



仙遊縣知縣林汝常致祭于

朱紫所藏

壯烈將軍魏大臨之神諭以文曰邇者小醜弗恭敢
寇吾邑城西一鼓已奮其雄方彼魏之左次汝率援
兵以來從禿鼻城下固賈其勇復突阻於進退之窮
汝卒然以未成列之衆遽欲拔其幟而折其鋒是宜
爾衆力屈爾子死敵汝雖挺身決戰不罹其凶莫伸
其鋒刺之叢也嗚呼以爾今日臨敵之勇暨爾庚午
保障之功汝誠壯矣汝誠一矣

不敬當祭

陰兵爲我殲除餘戎吾尙能恤

廟以祀將

與城池相爲終始也

仙遊縣知縣蕭弘魯致祭于

壯烈將軍魏公大臨之神曰爾大臨少負奇氣久精
耶郢聚衆爲堡斬木爲竿當寇賊之卒臨也睚眦奮
風雷之怒旣事勢之靡振也談笑履兵革之安桃源
故蹟竹坡遺名嗚呼血灑兵戈誰壯英雄之色秋風
衰草時聞鐵馬之聲安得猛士兮公侯干城

仙遊縣儒學署教諭事舉人陳錫訓導王齡致祭于

壯烈將軍魏公大臨之神曰昔歲庚午流賊肆孽子
陟東城賊尋奔滅四境輯寧群生載悅昨歲仲秋盜
充冒獍敢踐溝塍敢叩城闌子亟來援猛如鷹掣冀
除蜂蠆反傷蛇蝎身殞子殂戎衣濺血城郭賴安藩
籬反撤山風悲號溪水嗚咽大義赫喧孤忠殫子生
固人英死亦鬼傑廟祀肇興高名未揭

仙遊縣鄉宦李肇鄭主忠笑謹

十

金沙壯烈將軍竹坡魏君之神

來流寇奮爾么

麼敢肆不恭犯我城濠君捧檄召率衆大呵惟是赴
義之急尚復遑恤其他風雷一陣亂枕干戈忠孝雙
節父子同科城完而功已効身死而名不磨

仙遊縣庠士顧公陞柯文炯陳南星張文鎬林嘉賓
王茂桂李文欽許鸞騰蔡于藩許曰從茅如玉傅九
德何森林鴻猷薛琳嚴鉞張欽訓陳九疇茅拔陳國
衡何一鴻蔡雲祥唐堯雍郭景淳范濟劉承勳吳應
隆阮肇基江躍周臣等謹致祭于

金沙壯烈將軍魏公竹坡之神曰蠢茲流寇敢肆橫
行不有大創孰底于平公選熊虎期戮鯤鯨寧以身
殉國不與賊俱生未遑洗甲遽爾結纓轟轟正氣烈
烈義聲雖死而哀猶生而榮

仙遊縣十四里里老吳元禮林福生卿國衡劉天鳳
李茂榮張景俊戴光春薛元瑛唐世寧何若金謝紹
義方應柱傅永成嚴叔達林長育陳伯仁蔡士達丘

公岳茅春顧成曾芳等謹致祭于

金沙壯烈將軍魏公之神曰蠢茲流寇敢肆兇殘掠
鄉村而財帛掃盡攻城郭而鷄犬弗安無分貧富與
老稚亦皆戰慄而槃跚百尺之木旣生蟲蠹百雉之
內誰是范韓公之父子奮除殘去暴之義氣揚折衝
禦侮之旂竿急於報國不以為難夫何援絕以故軀
捐父為城死子為父而齒鏃于屹砥柱迴狂瀾於旣
倒鬱松栢含晚翠於歲寒嗚呼勝敗固兵家之常片

心寔歷世而未卅

公移

一蒙

欽差福建等處提刑按察司提督學校副使 邵定

壯烈祠祀典公案

興化府仙遊縣為舉行公義以厲風化事據本學

廩增附生員柯文炯張萬鎰陳士麟等連僉呈
稱遵奉教條內一款凡所當旌舉者務要公同

卅

師生參酌定論候按臨開報今幸逢

宗師老大人按臨表揚風化文炯等爰查有關風
化之大者開單粘呈乞採擇轉達施行 具呈
到縣覆查公舉真當委堪褒恤事合就轉申施
行

一本縣義士魏昇身居草茅識達大義正德五
年強盜千餘人劫掠涵江併攻縣城昇率衆保
衛城賴以完時蒙

分巡道宗

獎勵又正德十二年流賊二千餘人

攻縣城事勢危急昇倉卒赴援奮擊殺死數十
賊傷賊僮之男瑞周併鄉兵林德泰郭懷志翁
汝達雷法英五人力盡而死昇獨捍關不屈賊
駭而散越旬卒蒙

分守道李

分巡道藩

本府知府馮按視視遣真塑像立祠於縣城西門

官保尚書貞肅林公俊扁曰壯烈且為之記切
見魏昇父子忠孝節義可欽乞為行縣舉祭庶
幾有以激勸人心蒙

欽差提督學校按察司副使邵 批仰仙遊縣通年

春秋遣官致祭炤批詳施行具繇繳

一蒙

福建布政使司分守福寧道左叅議徐 批准

詳

題請卹錄保城奇功公案

莆田縣耆民

徐德章蔡一五宋光蕙林子餘
顧其策周憲瓊黃上華林思節等

呈為懇乞轉詳

題請卹錄保城奇功事切炤仙遊縣金沙鎮起義陣
亡烈士魏昇雄姿冠代堪稱置鬼于城齊力絕
羣足備 皇家爪士當弘正間盜賊煽起烽燧
時嚴昇竊見四郊多壘深懷耻慨痛生民肝膽
塗地率鄉閭丁壯習兵伸耒耜為戈鋌連裾袂

為營陳首破溫文進殲賊百餘次勦資國寺賊
 斬數百所回無前有募即赴後因邑城圍急猝
 緣當道檄行家僅一男誓同捐軀以徇國部惟
 四卒爭先橫槊以趨城遇賊突西迎戰何啻數
 十合潰圍逐北轉鬪獨追十許里詎數竒如李
 廣全無尺寸之封而力竭似張巡竟坐創血以
 殞死後為神英靈顯蹟郡守徐嘉其壯烈開

于府西相國葉

慕其風聲來親奠于清

道按祭法捍災禦患宜盼饗血食之隆矧軍制
 馘寇全城寧終斲茅土之錫即章等今日四民
 各遂其業皆魏公昔時百戰實遺之安伏乞
 俯察民情查炤會典苑勤事例轉詳

題奏

欽錫封爵官階庶市駿骨以千金冀或激英
 雄於異代陰禡虜魄於扶桑萬里之外默奠城
 池於金湯四塞之中為此具呈須至呈者

蒙

分守福寧道左叅議徐 批 仰府查報

批文到府 蒙

署興化府事推官晏 批 仰仙遊縣查議報

批文到縣

仙遊縣知縣梅 遵照批呈內事理採詢故老
攷覈志傳查得仙遊縣全城死事壯烈魏昇起
閭閻非有捍禦之責而思奮不顧身以衛公上

斯已難矣卽矜關樂戰其所自負也顧仕往出

竒無窮合古戰法雖名將何以加焉至力蹙身

死功亦是暴於天下而賊遂引去以殺身之日

爲克敵之年父子赴義孤城賴之一布衣係國

家安危豈不偉歟精靈三紀猶然殺賊鬼鬼殺

爲鬼雄理固然也而一命之寵一字之褒存沒

未暨視後之福將媮蔭取肘後金印如一大宛

牖下而賞延世世者何如哉然去今近二百年矣

譚及往事輒人人色壯欲共請之於朝錫以
官爵謚號國家多事或激勸之一機乎亦看得
魏昇桓剋雄姿英靈正氣方巖邑屢戒心於巨
寇而長城獨倚命於匹夫保障三十年迴蹂躪
於鴟張之下生全千百衆還俘掠於虎穴之中
卽此膚功已堪上賞而况倥偬赴敵死無損父
子之軀轉鬪扶傷屬纊懾戎奴之膽精靈沒後
呵護猶前還臂不侯寵未遑乎一命勦細思將
號宜錫於春秋當狗畏壘之羣情用乞
朝廷之特典申文須至文者

仙遊縣具文申府蒙

與化府知府張 泰語看得仙遊縣勇上魏昇俠
烈無雙忠勇益世無食采牧圉之寄而志難公
家當衣枷搶奪之秋而獨膺保障散千金而結
客備三十載之長城以仙邑斗大之封屢經蹂
躪藉魏烈拔山之勇數却咆虺衰瘡殲敵誓九

卅

死以不移免胄登陣投虎狼而不懼慘遇萑苻
擾境爰致父子殉身世篤忠貞侔南晉十壺之
遺烈臨難嘆惜繩山東魏勝之家風貞烈紀於
蒸嘗功庸載諸志乘額以壯烈洵符故老傳聞
建之廟祠允稱文獻足據且復屢顯英靈實乃
忠竟茂著捍災禦患旣多呵嘖於粉榆彰往勸
來允合褒旌於

朝廟此固稽衆之公情而亦風勵之曠典也

仙遊縣徐侯告示

萬曆四十三年正月仙遊縣徐侯諱觀復欲改壯
烈祠前廊爲社學擬本月廿八日鳩工改移
廿七丙夜忽夢將軍披堅執銳直入中堂語
刺刺不休越翼日卽詣祠拜謝併出告示傳

宣異夢

昨本縣夢坐中堂見有披堅執銳而進者升堂上
求地本縣詰之曰爾魏烈士乎曰然因纏纏陳情

詞甚壯且長本縣義而許之仍謂之曰然則何以
處社學烈士亦思良久應曰曷不圖之儒學前二
祠覺來因想學側原有二祠可以假館此事人定
驚以為奇本縣雅不欲以杳冥惑蓋此數日學祠
紛截展轉躊躇遂成是夢果真有神靈來告也耶
然夢中言亦予言既許不宜背合改移社學於儒
學左側之祠須示

萬曆四十三年正月廿八日示

一蒙

禮部勘合奉例轉詳申請

題奏卹錄保城殊勲候請封號公案

興化府僊遊縣為奉例懇恩申請以獎殊勲以彰
盛典事據仙遊縣儒學廩增附生員唐大章蔡
炳文鄭胤弼等僉呈前事呈稱近奉

禮部纂修實錄勘合內有一款凡各府州縣境內
之人曾授內外文武官職功績顯著者及丘園

之士曾經過優獎者今雖亡歿應有行狀碑志
抄錄類進以憑去取欽此按得本縣仁德里金
沙村起義陣亡烈士魏昇雄姿冠代齊力絕羣
當弘治間群盜煽起烽燧時嚴昇捐棄家貲募
集義兵首破溫文進之衆殲賊數千次解仙遊
城之圍斬馘二百勦平資國寺亂僧擒擊安溪
縣流寇至正德丁丑賊酋薄城數騎破陣攘臂
急病死綏捐父子之軀轉鬪扶傷屬纊懣克賊
之膽經

臺司府縣建祠致祀先名臣少保撰記立碑雖稱
為將軍實未膺乎一命嗣後嘉靖壬戌倭變繼
起英魂猶能禦寇保城蹟傳郡乘靈著通都按
祭法捍災禦患宜盼蟹血食之報矧軍制禦寇
全城寧終斯茅土之錫茲逢

特旨會衆僉呈豈拊髀求賢之日有通臂不候之憾
伏乞採畏壘之羣情叅

朝宗之盛典照例轉詳候

請封爵庶幾藉駿骨之千金冀或激鷹揚於異代
等情到縣據此該本縣知縣蕭蕭慶看得魏壯士
生懷義勇歿顯忠竟勦羣寇以全城屹然一方
保障擒流賊而靖亂偉矣半壁長城事雖湮乎
百年功猶載在億姓祠旌壯烈志表威名按以
捍患禦災允有光于祀典覈之銘功紀績洵無
愧乎旂常幸際千載之奇逢會脩

兩朝之實錄幽光特闡顯號宜揚卑職未敢專擅合
就申詳 本府施行

天啓二年二月十八日仙遊縣知縣蕭慶

典史朱國泰

碑記

林俊

刑部尚書贈
少保謚貞肅

正德丁丑八月流賊寇安溪仙人魏昇謀知報縣為
備自率衆待之桃源賊紆道薄城八月廿六日也令
林俊汝常尉黃君光鍊率兵拒戰守帥各以兵來援

鄉亦以兵來援君獨先衆期道且半城報愈急偕子
瑞周同精銳林德泰翁汝達郭懷志雷法英十數人
兼進議城守以待援兵寇覘其少蹴之城西半里山
下勢不得前橫樂犯陣殪數十賊傷賊再倍援兵未
至瑞周併林德泰郭懷志翁汝達雷法英死焉君創
重猶忍死戰寇駭而遁城爲完令開門迎勞親爲醫
藥殯殮諸死事君伏床呼殺不絕口越九日卒守巡
李公際可潘公鑑郡守馮公馴檄諸邑兵殪賊而自

爲文遺奠衆請立祠許焉于是稽縣兵漏備之直爲
祠像君其中子侍當時死事位有差邑侯偕邑博以
鄭主忠之狀請記君家山中易誨盜父廣淵聽散千
金結士藝爲精寇無敢闕金沙仙亦賴以靖弘治辛
亥巨寇溫文進等謀越仙邑寇涵江君受命據隘文
進爲阻仙與莆賴焉丙寅寇數百入境君集兵伐其
後寇不直闕縣以君撓其勢也庚午寇又五百臨城
望見羅跪請退君躡其後殲甚多上名籍于官捕之

且盡夫一布衣係仙邑三十年爲官捍城爲衆保家
及是並父子以死以脫一城之命委符組棄城壁何
人哉昔靈洗以布衣起義捍州里封忠壯侯君與同
烈殆有過者夫武不遂曰壯安民有功謂之烈以壯
烈名祠無不可者抑蜀之祀李冰也記者謂冰與蛟
鬪不勝死自是蛟蜃怖藏事誕荒不足信君鬪賊以
死忠竟蘊結將殪賊耳心仙自是無寇患鄉激義輕
賊抑自茲始矣

祠狀

鄭主忠

壽州同知

金沙魏君諱昇字大臨仙邑豪傑士也與家子瑞周
皆以大節死先是流賊千餘人寇安溪君諜知報縣
以守自率衆委輦橋不及乃止桃源待之賊從旁道
縋險薄城君率數十人來援中途城報愈急君與瑞
周林德泰輩十數人驍勇兼進卒然遇賊于城西半
山下所部林德泰翁汝達郭懷志雷法英俱死焉

君橫槊直前擊賊殪數十人傷者倍之君被叢刺十餘鎗尤力戰不已賊駭以散而瑞周亦死焉正德丁丑八月廿六日也令君林侯汝常出城迎勞收死事者殯殮之而親爲君延醫君但呼殺不絕口越九日見卒大中丞見素林公俊聞而哀之爲輿與詩以壯其烈分守興泉道李公際可分巡福寧道潘公鑑郡守馮公馴各遣官致祭優恤其家潘先按視解所衣綠袍衣之問勞尤切邑士民復欲祀君以祠郡守馮

公邑侯林公以機兵漏傭爲君之祠費徵工作堂三間塑君像及瑞周暨同時死事者經始於丁丑年十一月十五日落成於戊寅年三月廿一口祠成且立名請主忠爲狀忠聞之死不難死大節難亦有死一而或出於勢窮義有不得不死者是壯矣未足爲烈也君自童卯時卽有偉士風喜談孫吳法弘治辛亥巨賊溫文進寇漳君束其必來爲之備受兵以守邑人賴之正德丙寅流賊數百猝入境君率衆伐其後

賊不敢直闕縣以君撓其勢也丁卯先大夫與當道
 議築城已巳城完庚午流賊千餘人劫涵江乘勝直
 抵城下君猝麾百人捍之賊退府庫無犯官兵無驚
 擾而城以守有司異之檄為捕盜俘餘孽首餘人士
 農商賈始得勤其業邑遂以無事君自談兵至足為
 民捍禦者凡數十年不以死生禍福顧慮是蓋平日
 卓有所見而非倉皇以就死者也中丞公名其祠曰
 壯烈嘗譽稱哉君邑之仁德里金沙波人也父廣
 淵好善樂施先大夫建青龍橋捐百金為募義者倡
 君之烈亦有自來矣

興化府志

萬曆甲戌志工部
尚書康大和纂脩

武烈

中

魏昇字大臨仙邑金沙人名家子也家故饒父廣淵
 以千金聽其散結客學擊劍馳槩蹶張投礮之伎而
 矜鬪樂戰又其所自負也弘治辛亥漳寇數百人謀
 越仙遊寇涵江昇受兵往扼之寇憚不敢過其後庚

午寇復薄城昇登陴免胄示之賊遙識其爲昇也遂去昇獨與所善敢死十數人躡之斬首甚多正德丁丑流寇屯安溪昇謀知報邑爲備帥所署卒待之桃源寇紆道薄城昇挾其子瑞周併所部林德泰等十餘人持劍盾步返護城寇覘其少蹙之城西半里山下昇橫槩犯陣手自格殺者數十人而瑞周與所部卒並死之昇被十餘創猶轉鬪益疾賊鄂視披靡迨昇復逐北數十里歸以創重伏床呼殺不絕逾十日卒郡守馮馴自爲文遣奠仍立壯烈祠以其子瑞周侍少保貞肅林俊爲記

論曰魏金沙起布衣爲任俠不用之探丸借客而用之扞邑全宗斯爲足重也嘗聞仙之故老談癸亥舊事云守陴者數倏寐輒遙見金沙擐甲皚皚至又時聞其勒馬大呼驚起相問故皆云魏將軍適拊吾背異哉林少保謂其一身扞仙邑三十年詎知身後英靈如此其餘諸人使遇金沙亦可充

裨卒耳第其不愛完軀求爭死敵槩謂之奇男子
非耶

仙遊縣志

魏昇字大臨仁德里金沙人精武藝捕寇累有功弘
治辛亥漳寇數百人寇仙昇受命往扼之寇憚不敢
薄城庚午寇復傳城昇登陴免胄示之賊逢識其爲
昇也遁去正德十二年丁丑寇突攻縣城西門昇率
其子瑞周鄉兵林德泰翁汝達郭懷志雷法英等來

援迎之昇獨戰不屈創重呼殺不已賊遁城賴以完
人民安堵如故按察司僉事潘鑑按視遣官問勞解
所衣綠袍衣之越十日卒司道府縣爲立壯烈祠春
秋遣官致祭

建置

壯烈祠在仙遊縣城東直街正德十二年邑人魏昇
因寇薄城率衆來禦死之分守李際可分巡潘鑑知
府馮馴檄縣立祠知縣蕭弘魯建以祀昇並男瑞周

鄉夫林德泰翁汝達郭懷志雷法英等四人耐焉見
宮保尚書名臣林俊記嘉靖二年寇擾江口諸村典
史蘇廖鏐部下鄉夫張舜一林尚寶射賊戰死之今
配祀

武經開宗名將

魏昇字大臨興化府仙邑金沙人弘治正德時與子瑞周義子朱尚寶部下林德泰郭懷

志黃人傑藍元威翁汝達雷法英陳雄才鄧挺武屢殺賊有功共死難護城載在郡乘

敝郡之有魏大臨也義烈無雙忠勇益世無食采牧

圍之寄而急難公家當衣衲搶攘之秋而獨膺保障

散數千金而結客公父廣淵公聽散數千金結客備學擊劍馳驟張授石之伎

三十載之長城莆林少休見素先生勒碑謂昇以一布衣繫仙三十年為官捍城為眾保

有家及是併父子以死昔靈洗以布衣起義捍州里封忠壯侯君與同烈殆有過者公子瑞周

年十五懸方百步外持刃義子尚寶姓朱仙邑人少十四勦七星八卦九道刀

公子同密結義弘嚴等于安溪正德二年賊首弘嚴弘貴等屯聚安溪劫

仙攻莆公子領先鋒公命尚寶為滅葉扁眾于浯嶼

副分陣續戰伏兵計擒而格殺之正德三年虎等陷浯嶼率眾薄城公登陴免宵示之賊遁去公命周踦之寶聞風而出公曰吾兒真英雄

全勦林德泰率降徒而攻李道隆泰末春人常晚行

滅之日旅舍遇數盜擊之乞降弘治九年山寇隆嘯聚數百人公集泰等勦之泰率降徒并攻之隆死至平溪

中箭死郭懷志拜麾下而禦温文進志仙邑人工鎗法

亥進聚千餘人謀越仙邑寇湘江志挺身勦滅路下

馬投拜公曰公真英雄也愿從麾下同征進進果為

阻仙與莆黃人傑夾擊而勦廣陵僧曇雲傑金陵人

均賴焉治乙卯雲善妖術與資國寺烏七山作亂藍元威計

誘而殄廣州賊黎敷呼為浪裡跳弘治戊午敷數百

率威持火器擲之燒殺過半翁汝達伏兵射果兒

於永興里韋果兒力持千斤善騎射時呼為韋一眼

統數千人屯永興里公應檄偵果兒有莫當之雷法

勇喜擁衆夜行令達等伏矮垣叢棘中射殺之

英埋衆擒杜芳於佛浪磯英上杭人猛勇萬人每執

正德丙寅芳率八百餘人屯安賢里公命毒陳雄才

上流遣子瑞周及英等埋兵佛浪磯擒殺之

火崑崙而蘇仙邑之困才壽田人力格猛獸正德壬

才等縱火燒之崑崙遁去擒申冠楊崑崙等攻仙邑公令

-5 128 45 942" data-label="Text">

賊陳四師等二十餘人鄧挺武執邢蒂而解德化

外

宿高以治庚申寇狄宿高率千餘人聲言攻仙邑公奉檄直抵大勳山台分兩翼待之賊不敢犯

作長陣而戮鮑銑銑擁衆劫東村公爲斬大驍而遁

餘黨弘治癸亥劇賊藍大珊掠艾賢里等村公遣汝達率數騎與之戰獲其首餘黨遁殺稽

嬰而降江漢弘治甲子漢率十餘人圍求春公奉檄救之漢遣嬰同十數人乞降嬰偪強公

立命斬之懷志諫公不聽漢果率衆降志問曰殺嬰而降漢何也公曰嬰乃漢腹心嬰誅而漢之胆喪矣

是以操火箭射倭而愛僕不惜正德辛未倭入烽火門公應募至大海中

乘東北風勁操火箭環射詐商船誘賊而金繒無私

之有愛僕犯法輒斬以徇詐作商船誘之滅袁

辛未八月倭復小埕公應募詐作商船誘之滅袁

生倭真倭五十餘人獲金繒重悉分給諸兵

德泰請公爲兩鄉除害擒吳倭而靖閩廣之氛所云

立功異域一身是膽者非乎弘治辛酉倭寇閩廣公應募至海門島擒真倭

三十餘人臺司交獎有立功異域一柰何鄺獬走而

身是胆之扁署標上中軍固辭不受

復集援兵屯而不前精銳同斃父子捐軀雖城賴以

完而將星殞矣所稱天完其節而植其忠者又非乎

正德丙子獬聚數千人謀攻仙邑公謀知報縣爲備

待之桃源賊從山坡來鉦鼓齊鳴矢石雨下賊大潰

獬身被創同餘騎從間道走通漳州月港復聚數千人紆道薄城乃丁丑八月二十六日公應檄急先挾

